

再版

簡易歷史課本

光緒三十二年歲次丙午三月初版
光緒三十二年歲次丙午四月二版

(簡易歷史課本)
(定價每本大洋一角)

書經
存案
翻印
必究

編輯者

海鹽富光年

發行者

商務印書館

印刷所

上海北區馬路二號
商務印書館

總發行所

京師 天津 漢口
廣州 奉天

上海棋盤街中市
商務印書館
商務印書館分館

編輯大意

一是書專爲寒素子弟。不能受完全教育者而設。故自伏羲氏起。迄庚子議和止。悉縮聚於一冊。網羅刪訂。頗費苦心。

一是書共六十課。每兩點鐘授一課。每星期授三課。定半年畢業。

一是書詞語。雖極簡畧。然歷代之興亡。種族之盛衰。政學之隆替。宗教之變遷。靡不備載。

一是書前四十課。課歷代。後二十課。課本朝。庶半年畢業後。亦可畧識全史綱領。

簡易歷史課本目次

第一課

君主及氏族之原

第二課

堯舜禹禪讓之蹟

第三課

夏商周之遞禪

第四課

周室開基及全盛之時

第五課

東遷及五霸之興

第六課

五霸

第七課

春秋外交與吳越之戰

第八課

七國之原起

第九課

戰國人才及秦併六國

第十課

周之學術宗教

第十一課

秦有天下及諸侯滅秦

第十二課

高祖開國及文武諸帝之政

第十三課

霍光廢立至王莽篡漢

第十四課

光武中興及明章繼業

第十五課

漢末外戚宦官之禍

第十六課

三國鼎立

第十七課

兩晉之興廢及五胡迭起

第十八課

東晉五胡之衰

第十九課

南北朝之興廢及晉以後之學術宗教

第二十課

隋滅唐興

第二十一課

唐初之制度國力及武韋之禍

第二十二課

元宗初政安史之亂

第二十三課

唐中葉及其衰亡

第二十四課 唐之文藝與宗教

第二十五課 五代之興亡

第二十六課 宋初事實

第二十七課 安石變法及北宋之亡

第二十八課 高宗南渡之和議

第二十九課 金宋之末及蒙古初興

第二十課 蒙古之滅金滅宋

第二十一課 兩宋之學派文藝

第二十二課 元之全盛時代

第二十三課 海都之叛及元末之亂

第二十四課 明太祖起兵及成祖靖難

第二十五課 成祖武功及英宗復辟

第三十六課 憲宗至世宗時代

第三十七課 江陵當國東林黨與三案

第三十八課 大清之興

第三十九課 明亡之原

第四十課 元以後之學術文藝宗教

第四十一課 大清定燕京下江南

第四十二課 明魯王桂王唐王

第四十三課 平三藩之役

第四十四課 平臺灣與俄初立約

第四十五課 平喀爾喀西藏準部

第四十六課 平定回部及金川

第四十七課 征安南平苗

第四十八課 國朝之官制兵制

第四十九課 歐人交通及鴉片之役

第五十課 白蓮教艇盜之變

第五十一課 平張格爾林清

第五十二課 髮匪之亂

第五十三課 平捻匪回匪

第五十四課 英法陷京及內地傳教

第五十五課 中俄和約始末

第五十六課 中法戰事始末

第五十七課 中日戰事始末

第五十八課 戊戌變法及義和拳之亂

第五十九課 慶李議和第二次變法

第六十課

國朝學術及宗教

簡易歷史課本

第一課 君主及氏族之原

草昧之時。無有君主。地方之治事者。若酋長然。強有力者。併多數之酋長。身爲之魁。帝王之號。所由起也。我國太古。荒遠難稽。自伏羲氏造書契。神農氏嘗醫藥。人事始有可紀。至黃帝軒轅氏興。滅蚩尤。劃井田。推算術爲人生利用計者。尤力。遂爲黃族之祖。唐虞三代之帝王。皆其苗裔。然其時地域僅止江北。勢力未大盛也。

第二課 堯舜禹禪讓之蹟

黃帝後有少昊顓頊帝嚳。相繼爲帝。傳至於堯。復禪於舜。書傳所紀。惟堯舜爲尤詳。舉元愷。去四凶。爲上古最盛時代。命羲和定歷。言天文者。祖之。命禹平水土。畫九州。言地理者。祖之。禹以治水大功。終受舜禪。疆土遠過堯舜。然自是君權漸大。遂成君主世襲之制。後人謂至禹德衰。

故去帝號而稱王。

第三課 夏商周之遞禪

禹有天下。傳至太康而衰。中經羿浞之亂。夏祀中絕。少康復興夏業。至桀而大亂。為商湯所滅。湯以伊尹為相。放桀而有天下。湯歿傳位太甲。伊尹輔之。以太甲失德。徙之桐宮。後太甲改行。乃復其位。卒成商之令主。孟子稱之曰伊尹聖之任者也。其後盤庚遷殷。武丁中興。皆有商之賢君。傳至紂而又大亂。嬖妲己。戮比干。周武王伐而滅之。

第四課

周室開基及全盛之時



周之先曰后稷。唐虞時爲稼穡之官。公劉古公。世繼其業。至文王爲方伯。當商之末造。周道大興。有天下三分之二。其子武王。會諸侯伐商。紂自焚死。武王散財發粟。民庶悅服。王業遂歸於周。大封兄弟功臣。使爲周室屏藩。武王歿。成王幼弱。周公攝政。紂子武庚與三叔流言。公將不利於王。周公乃誅武庚與管蔡。又營東都於洛邑。制定禮樂。是爲周室全盛時代。

第五課 東遷及五霸之興

成康之世。治化休美。刑措不用者數十年。至昭王而衰。厲王暴虐。國人流之于彘。宣王嗣位中興。詩人歌之。至幽王寵褒姒。國又大亂。平王遷居洛邑。以西周之地與秦。周業益衰。王室不振。諸侯互相吞併。至春秋之初。大國僅十有四。於是五霸起而救之。五霸以齊桓公爲首。用管仲爲相。國以富強。然後尊王室。攘夷狄。存三亡國。勳業最隆。桓公死。諸子

爭立國亂。宋襄公定之。

第六課 五霸

宋襄公繼齊桓之業。然力不足而卒敗於楚。晉文公以避驪姬之難。出亡在外者十九年。周知內外之情事。秦穆公納之。文公立。首創勤王。敗楚城濮。遂爲諸侯盟主。秦穆公數納晉君。屢爲晉扼。不得志於中夏。然并國二十。霸有西戎。秦業以興。楚莊王敗晉師於邲。問鼎周室。國力最強。世所稱爲五霸也。

第七課 春秋外交與吳越之戰

鄭介晉楚之間。子產以辭令折服兩強國。得免兵禍。孔子相魯。會齊侯於夾谷。齊人刦以兵。不能屈。皆春秋外交之最善者。吳闔廬用楚亡臣伍員。破楚入郢。雄視諸夏。越王句踐先爲吳敗。棲於會稽。國幾亡。乃一意教養。臥薪嘗膽。謀吳者二十年。任用范蠡文種。竟以滅吳。其用兵又

又烈於五霸之世矣。

第八課 七國之原起

越滅吳後。又亡於楚。是時中原齊晉衰弱。政在大夫。田氏篡齊。趙韓魏三家分晉。與秦楚燕合為七國。然當時大勢。盡趨於秦。秦孝公用商鞅。變古法。令出必行。秦以富強。蠶食東方。由是諸侯懼秦。合縱連橫之說起。合六國以擯秦。曰合縱。蘇秦輩主之。聯六國以事秦。曰連橫。張儀輩主之。至戰國末年。其說猶未已。

第九課 戰國人才及秦併六國

是時各國務於攻伐。謀臣猛將。相繼輩出。齊之孟嘗君。楚之春申君。趙

（員伍） 圖 二 第



之平原君。魏之信陵君。各養食客數千人。遊士多歸之。秦有白起王翦。
 趙有廉頗李牧。以善將兵名於時。國之安危係焉。尚俠如聶政荆卿。忠
 勇如樂毅田單。藺相如。皆奇偉之士也。然自秦昭王任用范雎。建遠交
 近攻之策。六國
 日益削弱。不數
 十年。遂併於秦。第

第十課

三

周之學術宗

教

周末學術。百氏
 並興。著書立說。
 惟孔子倡儒教。

(子孔)



吳道子筆

爲萬世所宗仰。弟子三千人。通六藝者七十餘人。歿後。弟子述其遺言。爲魯論。子思作中庸。曾子作大學。並孟子七篇。宋儒合之爲四書。孟子生戰國之時。獨私淑孔子。辨性善。黜楊墨。故後世尊爲亞聖。同時有荀子。其學亦原本孔子。惟論人性本惡。旨與孟異。後儒譏之。前乎孔子者。有老子。後人附會爲道教。又有墨子者。其學派頗近佛耶二教。

第十一課 秦有天下及諸侯滅秦

秦始皇既併六國。自號皇帝。遂爲後代君主之統稱。始皇改封建爲郡縣。置丞相太尉御史等官。徙諸郡豪富於咸陽。南取百粵。北逐匈奴。築長城以禦外寇。燒詩書百家語。坑殺儒生以愚其民。繁役嚴刑。人心離怨。二世繼之。毒民尤甚。至陳勝兵起。羣盜響應。惟項氏最強盛。徧立六國後。楚懷王遣項羽漢高分道伐秦。約先入關者王之。漢高先至。羽欲殺漢高。賴張良得免。羽遂殺秦降王子嬰。燒秦宮室。大掠而去。

第十二課 高祖開國及文武諸帝之政

項羽宰割天下。分王羣雄。忌漢高。封之漢中。然漢卒還定三秦。破羽垓下。諸將尊漢高爲皇帝。漢有天下。頗忌功臣。多所戮殺。又盡奪異姓爲王者。以封諸子。惠帝立。呂氏專政。會后死。大臣誅諸呂。迎立文帝。帝寬仁尙儉素。除苛刑。與民休息。景帝立。平七國之難。府庫充實。故言漢治者必推文景。武帝以雄才繼之。伐四夷。拓地數千里。匈奴之勢遂衰。惟信用酷吏。尤慕神仙。晚年乃大悔。託孤霍光。蓋英主也。

第十三課 霍光廢立至王莽篡漢

霍光輔昭帝。盡攬政權。同列上官桀等忌而搆之。昭帝英明。不爲流言所惑。桀等旋被誅。帝歿。昌邑王立。多失德。霍光廢之。立宣帝。帝勵精圖治。任賢相。獎良吏。兵威復振於西域。殺郅支單于。呼韓邪入朝。元帝柔闇。弘恭石顯用事。殺太傅蕭望之。成帝立。多嬖寵。外戚之勢遂張。王氏